

UGOVOR

o izradi elaborata o geološkim i geomehaničkim karakteristikama tla

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida, ul. Širokac 22, Sarajevo, koga zastupa direktor Zijadić Suad, prof. (u daljem tekstu: Ugovorni organ)

i

Društvo za geološka, geotehnička, hidrigeološka istraživanja, ispitivanja i projektovanja «PIGIP» d.o.o., ul. Ibrahima Ljubovića 29., Sarajevo, koga zastupa direktor Suljagić Alija (u daljem tekstu: Dobavljač)

I PREDMET UGOVORA

Član 1.

Ugovorni organ povjerava, a Dobavljač preuzima obavezu da izradi elaborat o geološkim i geomehaničkim karakteristikama tla za izgradnju kompleksa „Ratna džamija Igman“ prema projektnom zadatku.

Sastavni dio ovog ugovora čini Ponuda Dobavljača broj:137/17, od 20.10.2017.godine.

Član 2.

Ugovorne strane su saglasne da će Dobavljač u izradi elaborata o geološkim i geomehaničkim karakteristikama tla uključiti sljedeće:

- prikupljanje analiza rezultata prethodnih istraživanja
- izrada I.G. karte za predmetni lokalitet u odgovarajućoj mjeri
- sondažno bušenje istražnih bušotina (4kom), dubine 3,00m, sa ručnom bušaćom garniturom sa kontinuiranim vađenjem jezgra i minimalnim prečnikom
- izvođenje opita standardne dinamičke penetracije
- geotehnički nadzor kod izvođenja istražnih radova
- u istražnim bušotima uzeti po 1 uzorak za geomehanička laboratorijska ispitivanja
- inženjersko-geološko kartiranje izvađenog jezgra iz istražnih bušotina sa terenskom
- laboratorijska geomehanička ispitivanja osnovnih fizičko- mehaničkih parametara na uzorcima iz bušotina
- izrada elaborata o izvršenim inženjerskogeološkim i geomehaničkim istraživanjima sa izradom grafičko-tehničke dokumentacije i prilogom o načinu i mogućnosti fundiranja
- revizija elaborata o izvršenim inženjerskogeološkim i geomehaničkim istraživanjima sa izradom grafičko-tehničke dokumentacije i prilogom o načinu i mogućnosti fundiranja

II VRIJEDNOST UGOVORA I NAČIN PLAĆANJA

Član 3.

Ugovorene strane su saglasne da netto vrijednost Ugovora iznosi	5.840,00 KM
Vrijednost PDV 17% iznosi	992,80 KM

Ugovorne strane su saglasne da ukupna vrijednost ugovora sa uključenim PDV 17% iznosi

6.832,80 KM

(slovima: šesthiljadaosamstotinatridesetdvije i 80/100KM)

Član 4.

Ugovorni organ se obavezuje da će isplatiti ugovorenu cijenu Dobavljaču po predaji predmeta ugovora, a u roku 15 (petnaest) dana od datuma prijema uredno ovjerene fakture.

III ROK IZVRŠENJA PREDMETA UGOVORA

Član 5.

Ugovorene strane su saglasne da je rok za izvršenje predmeta ugovora 20 (dvadeset) dana od dana obostranog potpisivanja ugovora.

Rokovi mogu biti produženi samo u slučaju više sile, objektivnih okolnosti koje su uticale na neispunjenja obaveze jedne od ugovornih strana prema drugoj ugovornoj strani i/ili na osnovu pismenog dogovora ugovornih strana. Pod višom silom podrazumijevaju se elementarne nepogode većih razmjera, kao i eventualni društveni poremećaji koji mogu uticati na realizaciju ovog ugovora, a objektivne okolnosti će ugovorne strane u svakom konkretnom slučaju definisati pismenim putem.

Ugovorne strane moraju pismeno obostrano konstatovati da su nastupili uvjeti koje smatraju višom silom ili objektivnim okolnostima, te se u tom slučaju rok produžava za onoliko dana koliko su trajali uvjeti više sile ili objektivnih okolnosti.

IV OBAVEZE UGOVORNIH STRANA

Član 6.

Dobavljač će izraditi elaborat o geološkim i geomehaničkim karakteristikama tla, koji je predmet ovog ugovora, savjesno i stručno koristeći se dostignućima struke, a prema Projektnom zadatku i svojoj Ponudi broj:137/17, od 20.10.2017. godine, koja je sastavni dio ovog Ugovora, te nakon predaje predmeta ugovora na pregled izvršiti korekcije u skladu sa uputama.

Član 7.

Ugovorni organ se obavezuje da će obezbijediti sredstva za realizaciju ovog ugovora iz člana 3. ovog ugovora i da će Dobavljaču platiti na način i pod uslovima kako je to utvrđeno u ovom Ugovoru.

V OSTALE ODREDBE

Član 8.

Svaka od ugovornih strana je saglasna da naknadi štetu nastalu drugoj ugovornoj strani ili licima izvan ovog Ugovora, ukoliko do štete dođe njenom krivicom, odnosno činjenjem ili nečinjenjem i/ili propuštanjem rokova utvrđenih u ovom ugovoru. Visina naknade za pričinjenu eventualnu štetu utvrdiće se po pravilima za naknadu štete važećeg Zakona o obligacionim odnosima.

Član 9.

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

Član 10.

Ugovorene strane su saglasne da eventualno nastale sporove rješavaju putem svojih ovlaštenih zastupnika sporazumno, a ukoliko nastali spor ne budu mogle riješiti na predviđeni način, isti će rješavati nadležan sud u Sarajevu.

Član 11.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 12.

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

ZA UGOVORNI ORGAN

DIREKTOR

Zijad  ad, prof.



Broj: 13-14-02-558/17
Sarajevo, 25.10.2017.god.

ZA DOBAVLJAČA

DIREKTOR

Suljagić Alija



Broj: 139/17
Sarajevo, 26. 10. 2017